




I blant Casmael, rydym yn gyffrous i feddwl bydd Ysgol Casmael yn ail agor ar Ddydd Llun. Rydym yn edrych ymlaen at weld pob un ac i rhannu eich holl newyddion.

Fe fydd yr Ysgol yn edrych tamaid yn wahanol. Fe fydd eich athrawon a'ch ffrindiau yno, ond fe fydd llai o blant yn yr Ysgol.



Fe fydd llai o ddodrefn yn y dosbarthiadau, efallai bydd yn rhyfedd i ddechrau. Mae angen mwy o le i ni symud o gwmpas yn ddiogel.


Fe fyddwn yn mynd allan yn aml i weithio, i ddysgu, i chwarae. Fe fyddwn yn gallu chwarae gemau fel sgipio a phêl droed.



Er mwyn cadw'n ddiogel ac yn lân fe fydd angen golchi'n dwylo a defnyddio hylif diheintydd sawl gwaith y dydd.



Fe fydd rhaid i bob un i aros 2 metr i ffwrdd o'u ffrindiau a'r athrawon er mwyn cadw'n ddiogel.






Os nad ydych yn teimlo'n hwylus  
fe fydd angen dweud wrth  
oedolyn. Fe fydd yr  
oedolion yn edrych ar eich  
ôl nes bod rhywun yn  
dod i'ch  
casglu o'r Ysgol.



Fe fyddwch yn cael y cyfle i ddod  
i'r Ysgol ychydig o weithiau yn  
unig, felly, fe fydd dal  
angen i chi parhau gyda'r  
dysgu o bell, sef gwneud  
tasgau gartref.

Fe fydd plant blwyddyn 6 yn  
cael y cyfle i ymweld ag  
Ysgol Bro Gwaun  
a chwrdd â'u hathrawon  
newydd.



Fe fydd gennych deimladau cymysg  
am ddod 'nôl i'r Ysgol. Efallai r  
ydych yn teimlo'n gyffrous, hapus,  
drist, neu efallai rydych yn  
poeni am ddod 'nôl. Fe fyddwn  
yn cael digon o hwyl ac yn  
trefnu nifer o weithgareddau  
hwylus a chyffrous.  
Fe fydd pob diwrnod yn brysur!

